

ramtharchanchinbu@gmail.com

Estd : 1984

RAMTHAR (Mission)



July 2010



Ka hmangaih tawh si a 12

*Ramthar Association Chanchinbu Thla Tin Chhuak***Editorial Board 2010**

Editor	:	Upa Zoramthanga	9436362385 (M)
Joint Editors	:	Upa R. Lalmalsawma	9436154179 (M)
		Upa Lalhriata	9863226630 (M)
News Editor	:	Pu Lalbiakenga Fânai	9436366234 (M)
Manager	:	Ni. H. Lalngûrliani	9774390980 (M)
Publisher	:	Rev. Lalchhuanmawia	2325899(O)

Members

Rev. C. Chawngliana	Synod Moderator
Upa Vanlalhuma	Synod Secretary (Sr.)
Rev. Lalzuithanga	Executive Secretary i/c Mission
Rev. K. Lalhmuchhuaka	BEC member
Upa C. Malsawmkima	BEC member

Kum khat lak man Rs. 45.00

- * A bu la duh leh a man pe duh chuan Ni. H. Lalngûrliani, Manager, Ramthar, Synod Office, Aizawl-796001 hriattir tûr.
- * Ramthar chanchinbua thu chhuahte hi a ziaktu mawhphurhna a ni.
- * Thu chhuah tûr chu phêk lehlam chauhva ziakin Editor, Ramthar, Synod Office, Aizawl-796001, Mizoram, India hnênah thawn tûr.

A CHHUNGA THU AWMTE

1. Editorial	1
2. Keimahni	2
3. Chanchin lawrkhawm	4
4. <i>Buhmun aţangin</i>	
a) Masihi Sangati - Lunglei Area	6
b) Rawngbawlna report tawi	7
c) Langkaih ruam aţangin	8
d) Guwahati Ramthar Pastor Bial Inkhawmpui	10
5. Sermon : Ka hmangaih tawh si a	12
6. A. W. Tozer-a ţawngţaina	16
7. SMB hnuaia HSLC exam results	17
8. Synod-in fa tak a hring em?	18
9. Kum 2010 atan Ramthar laksaktute	20
10. Ramthar chanchinbu 200 sem chin agent	21
11. Ramthar Field tlawh report	22
12. Rawngbawl nana thilpek petute	26
13. Ramthar project list	29
14. Sunna	31

*Editor thuchang***A âthlâk em?**

Pathian hruainain kum chanve hnuhnung zâwk kan lo thleng leh ta reng mai. Ramthar Chanchinbu chhiartu zawng zawngte chibai u le.

Tunah hian inkhel ni ta ila, second half kan tan leh ta a ni. Hun chanve hmasa lama che tha vak lote pawhin second half-ah hian beiseina thar nen bul an tan theuh âwm e. Second half a zawh hunah erawh chuan beisei tûr dang a awm tawh miah lo vang. Chutianga han intekhin chuan hun beiseiawm hnuhnungah kan lût mêk tihna a ni a. He chance hnuhnung hi tha taka hmang thei tûra uluk taka inbuatsaih hi thil âthlâk a ni hauh lo vang le.

Ramthar/Ramthima rawng kan bawl honaah pawh hian mi tinin chanvo hrang hrang kan nei theuh va. Chung hna zawng zawng chu inzawm vek a nih avangin a changtute pawh kan tan ho vek a ngai. Kan chanvo chu hlen chhuak tûra kan chêt dan leh, harsatna leh lawmna kan neihte inhriatpui zel hi tan ho zel theih nan a pawimawh khawp mai. Chutianga mi tinte thlun zawma, kohhranhote rawngbawlsak tûrin Ramthar (Mission) chanchinbu hi a inpeih reng a, chu rawngbawlna chu a thawk reng bawk a ni. I chanchin puanzârtîr la, mi dangte chanchin chhiar bawk la; tichuan, hmun tin kil tina mite kan inthlun zawm nghet deuh deuh ang a, kan tang rual thiam tulh tulh ngei ang.

Kan Lalpa lâwmna ber ‘thlarau bo chhandam’ hnaah hian i tel a nih si chuan, Rs. 45/- lek sênga kum tluana India rama kan mission hmun hrang hrang leh, India ram pawn thlenga kan rawngbawlna hmun fangtute zinga tel ve hi insenso thlawwna mai mai, thil âthlâk tak a ni dawn em ni?

K E I M A H N I

1. Zinna : (1) **Rev. Lalchhuanmawia, Secretary, SMB** chu ni 11-19, 2010 chung khan EPCS tlawh tûr leh MOU sign-pui tûrin a zin a. Sitabari Fellowship leh DHBS, Mirik a tlawh nghal bawk.

(2) **Rev. Lalzuithanga, Exe. Secy. i/c Mission** chu Arunachal E Field-a Khasan hmun en tûrin a zin a. Ni 16-22 June, 2010 chung a thang. Office hotute hi an zin deuh reng thin a, an hriselna pawhin tuar thei a nih avangin tawngtaipui reng ila, a tha ang e.

2. Ramthar BEC Meeting wavi 506-na : May 21, 2010 khan neih a ni a. Thu pawimawh tak tak an rel zingah Mission danga thawktute MR leh an fate CEA chungchâng, Board-in BEC ngaihtuah tûra a rawn pêk chu lo zir Chiang tûra mi pahnih ruat thu te; Field Worker Pastor-te Service Gratuity leh CEA siamsak thu Board-in BEC kuta a dah chu rawtna siam tûr mi ruata bawh zui chungchang te; Winchester Boarding School-a Class VIII hawn thu, Synod Mission Board-in rem a lo tih tawh chu Ramthar Education Committee-in lo bawh zuia, BEC-a rawn thlen leh tûra tih te; Field Workers Service Rule (Synod Mission Service Manual-2009), Schedule 28 chu SMB hnuai Field hrang hrangah a ram mite tawnga lehlin chungchangah, Field lama miten an mamawh ang zela an lo lehlin phalsak chungchang te; Media Ministry hnuai thusawitute lawmman Rs. 500/- chu a san deuh avangin Rs. 200/- a tihhniam tûra Media Ministry Sub-Committee-in a rawtna pawmpui thu te; Manipur Area hnuai awm thin Assam leh Arunachal Field an tih, Jonai leh a chhehvela mi, Synod Ramthar Board hnuai awm tûra tih enkawl dân tûr BEC-in siam tûra tih chu siam a nih thu te a tel.

3. Secretary's Report : Ramthar BEC 506-a Mission Board Secretary report-ah hian - (1) BEC 505:49 thu angin SIMNEI General Council Meeting, May 5-6, 2010-a Orchid Lake Resort, Barapani, Meghalaya-ah Rev. Lalchhuanmawia, Secretary, SMB chu a tel ve tih te, (2) Media Ministry rawngbawlina kalpui dan tûr

bawh zui tûra Sub-Committee chu inhmu khawmin, Ramthar Ni (August 31) denchhena he rawngbawlina hawn inkhawm neih rawt a nih thu te, (3) Siliguri Mission Field-a Jalpaiguri-ah Biak In leh Quarters sakna tûr ram feet 80 bial vel zet chu lei fel a, document pawh tihfel tawh a nih thu te a tel.

4. Missionary lâk tharte : Missionary post ruak hnawh khah nan Synod Mission BEC thu angin contract missionary atan heng mite hi lâk thar an ni: Lianggura, Durtlang N; K. Lalremruati, Ramhlun N; Lalţanpuia, Bukpui; H. Lalfamkima, Sihphir Venglai; H. Lalhmachhuani, Phullen Diakkawn; Lalthanzama, Dawrpui Vengthar; Lalrintluanga Ralte, Ramhlun S; C. Lalremruata, Sihphir Tlang Veng; Lalruatthangi, Champhai Venglai; P.C. Vanlalchhuanga, Rulchawm; P.C. Lalthankhumi, Hnahlan Vengthlang; Vanlalhruaii, Dam Veng leh Dr. Ramdinmawii, Chaltlang Mual Veng; an vaiin mi 13 an ni. Heng mite pual hian kan tih thin angin June ni 18, 2010 khan Committee Room, Conference Centre-ah Orientation programme buatsaih a ni.

5. OHM 2010/13 chuan NEI nena thawh ho chungchanga thil kalpui zêl dan tûr leh Tripura Field aţanga Ranglong Hla Bu chhutsak dilna lo lût chu BEC-a thlen tûrin a chhawp chhuak.

6. Tuarpuina : (1) Pu Lalremliana Varte, Ganganagar-a kan Evangelist chu a nu Pi Chawngthluaii (k. 80) chuan hriatna hlohva hun rei tak a awm hnuah ni 29.5.2010 (5:20 p.m.) khan chatuan ramah a lo kalsan ta a. A tuk ni 30.5.2010 khan Bialtu Pastor K.C. Vanlalduhan a vui a. A lei taksa chu Leitan thlanmualah thlah liam a ni ta a ni.

(2) Pu Lalbiaknunga, Oriental High School, Silchar-a O/A chuan a pa Upa Thanghrima (k. 83) chu ni 12.6.2010 (12:15 p.m.) khan a sun a. Ni 13.6.'10 khan Rev. Lalthanglian a vui hnuin Ramhlun N thlanmualah vui liam a ni ta. Heng lusun chhungkuate hi Lalpa'n awmpuiin thlamuan zel mawlh rawh se.

CHANCHIN LAWRKHAWM

1. Hong Kong-ah Protestant Kohhran member an pung nasa : Tunlai hian Hong Kong-ah Protestant Kohhran member an pung nasa a, kum 5 liam ta aṅang khan kum tin zaa 6.2 velin an pung nia chhut a ni hial. Tunah hian Hong Kong-ah Protestant Kohhran member 3,00,000 chuang zet an awm tawh niin ngaih a ni.

Hong Kong Church Renewal Movement (HKCRM)-in a zir chian danin kum 2004 khan he rama Protestant kohhran member zât chu 2,16,000 vel an ni a; kum 2009 khan 2,90,000 an tling hman a ni.

Heti taka Protestant kohhran member pun chhan chu ṭhalaite hîp zâwnga rawngbawlina an kalpui vang te, ringtu thlarau lam nun tichak tûra theitawpa hma an lâk vang te, ṭawngṭai rual an huaihawt ṭhin vang leh vantlang ṭhatna tûra an chêt chhuah ṭhin vange niin Rev. Luk Fai, Bethel Bible Seminary president chuan a sawi.

- *Christian Post*

2. WARC-in India ram Kristiante chung a hleilenna hluar zel a dem : Khawvela siam ṭhat Kohhran (John Calvin-a zirtirna pawmtute) inzawm khawmna lian ber World Alliance of Reformed Churches (WARC) General Secretary Rev. Dr. Setri Nyomi chuan India rama Kristiante chung a hleilenna chu demin, “He thil thleng hian khawvel ram tina Kristiante thinlung a tina takzet a, khawvel puma WARC zawmtu kohhran member tawh phawt chu India rama unaute tâna ṭawngṭai fô tûrin ka ngen a ni,” a ti.

Christian Today palaiin a kawm ṭumin Rev. Dr. Setri Nyomi chuan, Kristiante’n tihluhna leh tawktarh hmangin sakhaw dang betute an inlehtir ṭhin nia puhna pawh thil awihawm ni zozai lova a hriat thu leh, Kristian sakhua duh lotute’n an hmai phih nan chhuanlam an siam mai nia a ngaih thu a sawi.

WARC hi kum 1970 khan pawl pahnih *Presbyterian & Reformed* leh *Congregational*-te infinin an siam a ni a; tunah member church 218 awmin khawvel ram hrang hrang 107-ah Kristian mtd. 75 chuang an inthlung khawm mek a, Geneva (Switzerland)-ah hmunpui a nei. India ramah chuan Church of South India, Church of North India leh

Presbyterian Church of India te'n an zawm ve a ni.

- *Christian Today*

3. Hindu-hovin Hindu-a lâk lét leh vek an tum : Madhya Pradesh-a Hindu intel khawmte chuan India rama Kristiante lakah indo an puang. *Compass Direct News* sawi danin heng Hindu intel khawmte hian Mandla district-a Hindu, Kristiana inlet zawng zawng, a bo a bâng awm lovin Hindu-a lâk lét leh vek tumin ruahmanna an siam a, kum thar (2011) February thla ațangin tha pui thawhin an țan dawn a ni.

Grand Rapids, Michigan (USA)-a inbun Mission India hotupa, Don Edwards chuan, “Hindu-ho hian India ram hi Kristian awm lohna hmunah siam tumin then thianghlim hna thawk tûrin an inhawr khawm țan mek a; a bul țan nan Mandla district hi an hmang a ni. India ram ațangin Kristiante hi a tahtawl tê têa nêk chhuah an tum zêl dawn a ni,” tiin a sawi.

He ruahmanna hian Mandla district chhunga Hindu-ho chu a tiphûr hle tawh niin sawi a ni a. Hemi nena inkaihhnawih hian he district chhunga pastor pakhat pheî chu an tibuai reng tawh a ni.

Kohhran hrulaitute chuan February 2011-a thil thleng tûr hi ngun takin an lo thlir lâwk a, thil duhawm lo a thlen nasat an hlauh thu an sawi hial tawh bawk.

- *Direct Compass News*

4. Java ramah Biak In khâr thupek chhuah a ni : West Java chhung Bogor bial thuneitute chuan an bial chhung Gereja khuaa Gereja Kristen Indonesia (GKI) kohhran Biak In chu thuneitute phalna hmu lova sak nia hêkna an dawn avangin khâr tûra thupêk an chhuah a. Hei hian he kohhrana lawi Kristiante a tithinur hle a, Indonesia Human Rights Commission hnenah he thupêk an duh loh thu leh sût leh tûra ngenna an theh lut. An sakhua hmuhsitnaah an ngaih hial thu sawiin, “Kum 2006 May ni 13 khan Biak In sak phalna chu Bogor bawrh sap hnen ațangin kan dawng tawh a ni,” an ti.

Indonesia Human Rights Commissioner, Johny Nelson Simanjutak-a chuan, “Hetiangha khârna thupêk chhuah a nih tâkah chuan GKI kohhran hian phalna a nei em tih en chian a ngai dawn tihna a ni a, an sawi anga phalna an lo hmu tawh a nih chuan he thupêk hi sût leh a har lo vang,” a ti a ni.

- *Christian Post*

Bu hmun atangin:

MASIHI SANGATI, LUNGLEI AREA

*- B. Thangpuia, Secretary
Masihi Sangati, Lunglei Area*

1. A hmun : Electric Veng Kohhran, Lunglei
2. A hun : Ni 7-9 May, 2010
3. Speaker : Pu R. Vanlalkunga, Gurkha Gospel Team Leader,
Dinthar, Aizawl

Anni hi mipa 3 leh nula 2, an vaiin member 5 an lo kal a. Meet boruak an siam thiamin Speaker hian thahnem a ngai thei bawk a, Vai tawng thiam ve lote pawhin ngaihnamw ti takin kan lo ngai thla thin a ni. Meet leh Crusade nei duhte tan Synod Mission Board kaltlangin sawm theih an ni e

4. Thupui : *Khawvel mamawh Isua* (Joh. 14:6)
5. Baptisma chang : Mi 8
6. Zaipawl : Masihi Sangati Fellowship, Bungkawn, Aizawlte anmahni sum sêngin, chhangchhe takin nautê nen, Upa pahnih leh an Evangelist-te nupa nen rawn tawiwamin mi 30 chuang an lo kal thei hlauh mai a, meet an tihlung hle; kan lawm takzet a ni.
7. Thlengtu Kohhrante inbuatsaihna a ropui hle a; Fellowship enkawl nei lo an ni chungin phûr tak, hneh tak, zo takin Kohhran Committee, Kohhran Hmeichhia leh KTP-te'n min lo dawng/buaipui a, meet ngah leh nan kan ît hle.

Lunglei Area dinhmun - April '09 - April '10.

- 1) Member zât - 273
 - 2) Ringthar zat - 61
 - 3) Fellowship zat - 6
-

RAWNGBAWLNA REPORT TAWI


- Lalremsiami
Saksham, Daksh
A-20, Sector 31, Noida

Hei, Pathian khawngaihna leh hruainain SMB leh DevPro-te hmangin rawngbawlna duhawm tak, Pathianin min lo hruai tawhna leh min lo thuam tawh sana - Rualbanlo (mitdel)-te zirtirna hnaah Feb. ni 11, 2010 aţang khan ka thawk ve ţan a; Pathian, SMB leh DevPro-te chungah ka lawm takmeuh a ni. DevPro min raawn angin, tir chhuaktu leh lawina kohhrante hnenah lehkha thawna, rawngbawlna chanchinte hriattir pahin bul ka han ţan phawt a ni e

Ka hnathawhna hmun hi Saksham Daksh, A-20, Sector 31, Noida a ni a. Rualbanlo (mitdel & handicapped) naupangte chu ka zirtir berte an ni. He school hi Kristian hmun a ni lo va, ka luh nachhan ber chu ka thiamna hmang hian Lalpan sakhaw dang betute zingah hmun neia, tih tûr ropui tak inthup a neihzia lan chhuahtir nana lut ka ni. Ka rawngbawl theih ve dan chu *Chorus* leh *Bible Verse* hmangtein a ni a, ka hla zirtirte leh *Bible Verse* hi naupangte *diary*-ah ka ziak zel a, in lamah an nu leh pate nena lo chhunzawm tûrin ka ziak ţhin.

Kan thlen chinah rih hi chuan tu mahin min la sawisel rih lo va, hei hi Lal Isua ropuizia tilang Chiangtu pakhat a ni. Tin, ka thawhpuite zingah hian Isua zuitu tu mah an awm lo va. Isua neitute kan ropuizia hi hun awl ka neih apiangin ka puang chhuak ve ţhin bawk.

Bethel Methodist Church, Sector 55, Noida-ah ka lawi a; Sunday School-ah Junior class-te ka zirtir ve ţhin. Inrinni apiang hian TAFTEE class hi ka ti mek bawk a, hei hi ka hlawkpui hle. Khawngaih takin, in ţawngţainaah min lo hre reng tûrin ka ngen a che u.



LANGKAIH RUAM AṬANGIN

- R. Lalzuitluanga, *Evangelist
Rangamati*

Synod Mission Board-in hma kan lâknaah hian Langkaih ruama Manikbond Bial hi Bial naupang pawl tak a ni âwm e. Langkaih ruam hi Cachar Tlangram huam chhung, Tripura leh Mizoram depa awm a ni a; kumin hian kum 5 hmel a hmu ve dawn ta. Kan rawngbawlna thlawhhma pawimawh tak a nih avangin a chanchin hre tûrin i lo thlir thwak thwak teh ang.

Manikbond : He khua hi Chorei hnam awmna a ni a, Bial thuthmun a ni. Missionary nurse pakhat leh Field worker evangelist pakhat an awm. Kristian tam tawh mah se, Kristian lo eng emaw zât an la awm a. Evangelical Free Church of India (EFICI) leh Roman Catholic Kohhran an awm bawk. Catholic Kohhranin sikul tha tak an nei. Kan mi leh sate hi kohhran pawl dang aṭanga lo pakai an nih hlawm avangin a la chhangchhiatthlâk deuh. Kohhran hi kum 8-a upa chauh a la ni.

Jugicherra : He khua hi tun hma aṭanga Mission Board hma lâkna a ni a, Ranglong hnam an ni. Manikbond Biala Kohhran hlun ber leh Bial chawimawitu an ni. Ringtu tam tawh mah se Kristian

ni lo pawh an la awm. Tunah hian Native/Field Worker Evangelist pakhat a awm mêk.

Sobricherra : He khua pawh hi tun hma aṭanga Mission Board hma lâkna a ni a. Kum 1991-a Cachar Tlangram Field thiah a nih khan kohhran pawl dangah an pakai vek a. Tunah hian bul kan tan leh a ni ber mai. Kristian lo an la tam hle a; kan pui leh pute tih dan anga ran thisena inthawi leh Hindu sakhaw pathian be kawp an ni a, an ruh hle. Ranglong hnam an ni. Thawktu Field Worker Evangelist pakhatin a thutchilh mêk.

Langkhanphong : He khua hi Ranglong hnam awmna a ni a. Kristian tam tawh hle mah se, ringlo pawh an la awm. Roman Catholic kohhran leh Baptist kohhran an awm bawk. Thawktu

Field Worker Evangelist pakhatin a awmchilh mêk.

Pipla : Ranglong hnam bawk an ni. Tun hmain Langkaih Mission Fellowship hma lâkna a ni a. Kohhran ding tawh mah se Kristian lo an la awm. Thawktu Field Worker Evangelist pakhatin a thutchilh mêk.

Rangamati : Chorei hnam awmna a ni. Tun hmaa khawthlang tlângdung kawngpui, Assam ram tâwp, Mizoram bul lawka awm a ni a. Motor station pawimawh tak a ni. Forest Beat Office leh Police Outpost a awm bawk. Kum 1994 vel ațanga hma kan lâk tawhna a ni a, ringlo deuh vek an la ni. Leilet neiin khawsa mah se, zu hi an sum hnar ber a ni. Kristian chu EFCI chhungkaw khat leh Presbyterian chhungkaw hnih an awm a. Thawktu Field Worker Evangelist pakhat leh Mizoram Synod Missionary pakhat an awm.

Langkaih ruama kan rawngbawlinaah hian ringlo beih tûr leh Kristian nun siam thât

ngai a la tam hle. Kristian ni si, Pathiannia bawng nena buh chil ta mai te, inkhawm bâna thawmhaw thlâka chemtum nen hna thawk ta mai mai te an la tam hle. Kohhran pawl dang pheih chu Pathiannia zin chhuak leh châkkhai lam nana hman ta mai te an tam. Langkaih ral tlâk lamah Ranglong hnam an awm a, chhuah lamah Chorei hnam an awm thung. Mahni Kohhranah mahni țawng thu leh hla hman vek a ni a. Rangamati-ah chuan Mizo hla sak thîn a ni thung. Bialtu Pastor-in a lo tihpui angin Bial inkhawmpuiaah chuan Mizo hla sak thîn a ni.

Manikbond Bialah hian sikul kan nei lo va; sikul thâ tak neih a châkawm hle. Kristian ni tawhte'n Kristian nun leh kalphung an hre tâwk lo va, kohhran nihphung pawh zirtir an ngai. Kohhranah kan naupang a, rinnaah pawh kan puitling chuang lo. Ringlote'n Lal Isua an rina, kohhran a lo thân len zel theih nan min lo țawngțaipui zel dawn nia.



GUWAHATI RAMTHAR PASTOR BIAL INKHAWMPUI REPORT

- *Evan. C. Lalremthanga*

A hun : May 21-23, 2020

A hmun : Guwahati Presbyterian Mission Fellowship

Puipate : Chairman : Mr. Lunkhawsata
 Secretaries : Evan. C. Lalremthanga (Sr.)
 Evan. T. Lallawmzuala (Jr.)
 Treasurer : Mr. C. Lalchuangkima

A hmasa berin min ṭawngṭaipui ṭhintu zawng zawngte Lal Isua hmingin chibai ka bûk a che u. Khawvel leilung pian tirth ata wavi khatna ni tûrin Guwahati Ramthar Pastor Bial ni 16.01.'10 (Inrinni)-a hawn thar, ni 09.05.'10 (Pathianni) chawhma dar 11:00-a Pastor thar induction neih chauh chuan Bial Inkhawmpui wavi khatna chu Pathian hruainain kan lo hmang zo ve ta der mai le! He Bial tharah hian Kohhran puitling pakhat leh Fellowship 14 a awm a, member zawng zawng 330 leh Full member 200 zet kan awm. Inkhawmpuia kal zawng zawng chu mi 150 vel kan ni. Kohhran awm chhun Bhairabkunda-in an rawn thawh hlawk hle a; puitling 72 leh naupang 21 (an vaiin mi 93 zet) chu km. 140 zet bus pakhatan an rawn inhnawh a; an bul hnai Fellowship member-te an rawn phur tel bawk. Lal Isua ropuina hmu turin an va chhangchhe bawngbawr teh luai ve le aw! An lo thleng chiah chu a boruak pawh a pui nghal huk mai!

Inkhawmpui thupui chu 'I ram lo thleng rawh se' (Mat. 6:10) tih a ni a. Speaker Pi Lalduhawmi, Tura (Meghalaya)-a kan tirkkoh chuan ṭum hnih Assamese-in uar tak leh thiam takin a sawi a, palaiten kan hlawkpui hle a ni. Pathianni chawhnu chu Lalpa Zanriah leh Baptisma Sakramen hun a ni a.

Kan Pastor thar Rev. H. Lal-hmingmawian Hindi *pakka* taka chhiarin ringthar puitling pakhat baptisma a chantir a, a ropuina a va lawmawm tehluul êm! Lalpa chu fakim awm rawh se!

Ṭawng thiam leh thiam loh lam pawh a ni lo, a thawktu Thlarau Thianghlim hi a pawimawh ber chu a lo ni e. A

sermon erawh chu Evan. K. Lalchhuanawman hneh takin Hindi-in a lehsak thung. Inkhawmpui tâwp zanah Assam Mission Field Secretary Rev. K. Lalrinmawian ‘Thlen chin ațanga hmasawn tûr kan nih thu’ thiam taka sawiin a aia uar si lovin Pi C. Zodintharin Assamese țawnga a let te chu ringtu lo pung khawmten tui ti takin kan lo lem diak diak mai a, a va nuamin a va’n ropui tak êm!

Inkhawmpui hmasa berah hian kan Field Secretary leh kan Pastor remhriatna avangin engkim mai kimchang takin kan ti ve a. Kohhran/Fellowship report leh Statistics report-te pawh theih anga chipchiarin kan ti ve thlap a. Hetianga mi inpe hruaitu min petu Pathian leh Synod chungah lawm thu kan sawi mawlh mawlh a ni e.

Thawktute kan kokim hle a. Damlohna avangin Evan. H. Lalchhanhima, Evan. B. Lalsiamnghaka leh Pu Malsawmtluanga, O/A, Guwahati-te an tel thei lo erawh

rilruah a cham reng mai. Inkhawmpui leh hunah chuan Pathian zarah kan kim theih ngei tawh kan beisei tlat a ni.

He inkhawmpui vawi khatnaah hian ringthar pakhat Pathianin min pe a; inkhawmpui vawi hnihna, nakkuma Bhairabkunda-a kan hman tûrah hian Lalpa’n ringthar eng zat tak min pe ang maw? Țawngțaiin ințanpui tawn zel ang u.

Sawi tur a tam. Thiam taka Nomination Committee leh rorel min kaihruaitu Pu Lunkhawsata, Headmaster hmanhmawh loh dan leh muangchan si lohzia te ziak vek dawn ila, hmunin min daih dawn si lo. Zaipawl member-te, a țhen an zai mup mup tawh laia a țhen muang fân raih maia an lo ding ve țial țial mai te chu chiang takin Tual Upa Thanga Jongte-in video-in min *cover*-sak vek a, en hmaih phal chi rual a ni dawn lo. Field thar, Bial thar, ringthar...! Țawngțaipui kan ngai takmeuh meuh a ni e. Min lo țawngțaipui ve reng tûrin chhiartute ka ngen e. Lalpa’n malsawmna tam zawkin min vur țheuh rawh se.

Sermon :

KA HMANGAIH TAWH SI A

(Joh. 14:15; 21:18)

- David Lalnunsanga Hmar
Rangia, Assam Mission Field

“Mami, saw tlangval, eng mah thiam nei lo, â bawk si, ze bawk si lo, sawrkar hnathawk pawh ni lo, mi rethei fa lehngal! Lirthei pawh a nei ve em ni a? Mi in hnuai luaha ni tin ei chawp zawnga nung ve tâwk tâwk lehngal saw i duh a maw? I â ta em ni le? A ni thei lo, then nghal hmak rawh,” tiin a fanu chu a vin thuai thuai a. A fanu chuan, “Ka nu, i thirna tlang atang chuan hmangaihtu nei thei lo khawpa rethei leh mâwl pawh ni mah se, kei chuan a chhông lam nun ka en a, ka duh a; chuvangin, then leh thei ka ni tawh lo; *ka hmangaih tawh si a*, tawrh a ngaih leh ka tuar zel mai ang,” a ti a.

Tlangval hausa tak pakhatin chu nula chu a hmu tai ta tlat pek a. A sum leh pai te, thiamna te, nihna te, in leh lo te, tawngkam bungrua leh hausakna zawng zawng chu *truck 407* tam takin a phur phei a, a han bem tan ta a. Mahse, chu nula rinawm tak chuan, “Hmangaih ber nei ta la, chu chuanrawn then chein val dang tawnah khiang awi ta thut sela i rilru a na ang em? Min hre thiam la, ka hmangaih ber rilru tihnat ka tum lo, *ka hmangaih tawh si a*,” tiin a chhang a.

“Ka nu, missionary-ah ka kal dawn.” “Mama, nang zawng

i la naupang si, eng mah thiam i nei si lo, kal ve lo mai rawh. K^TP-a inhman hi i tih theih tâwk rawngbawl na a ni mai e,” tiin a nu chuan a chhang a. “Ka nu, khawvelah hian nang lo chu nu dang ka nei lo va. I ngaih dan chu zahawm hle mah se, min chhandamtu, a hnathawk chhunzawm tûra min kotu hi phatsan thei ka ni tawh lo. Min hmangaihtu chu *ka hmangaih tawh si a*, ka kal a ngai tlat a ni.”

“Ni tin kan ei khawpin chaw min pe ang che,” tia dil thin chhungkaw tân chuan Bible zir tûra han kal chhuah mai chu, thiltithei RINNA neih si loh

chuan haw lehna kawng zawn nghâl chûk a awl hle. Pathian thu zir tûrin tu ma'n min ti lo. Châwmtu tûr ka zawng lo va, tu ma'n 'Ka châwm ang che,' pawh an ti lo. Min kotu chu *ka hmangaih tawh si a*, ka kal ta mai a ni.

An Lalpa thupêk awiha, ringtu hmasate an inkhawm thin ang khan, ka Lalpa min hmangaihna ka lo hre ta a. Amah faka, a thute zir tûr leh Amah chu be tûrin inkhawm a ngai tawh tlat. Ani chu *ka hmangaih tawh si a*.

Kristian inti si, Bible pawh ngaina lem lo, inkhawm dawn pawha Bible tel lova hla bu keng duh zawk te, kar khata Bible wawi khat tal pawh chhiar mang lo, inkhawm dawnah chauh Bible mamawh, bân veleha a awmna chin hre tawh ngai lo chuan Bible neitu chu a hmangaih lo a ni. Isua hmangaihtu chuan Bible a ngaina ang a, chhiar lovin a awm thei lo vang. Krista hmangaihtute tân hei bâk hi '*Hmangaih lekhathawn*' dang a awm lo ve. Kei zawng min hmangaihtu lekhathawn hi chhiar nuam ka ti a, mite'n chhiar lo mah se ka

chhiar zel ang. Ani chu *ka hmangaih tawh si a*.

Hmangaih ber nena inbiak leh sms inthawn velte hi tu nge hrehawm ti ngai? Dam chhûng rei lo te atana hmangaihna der min hlân a, khawvel hrehawmna hre thiam ve tâwk leka hmangaihna der min hlântute nen zan khaw tairêk thleng thlenga sms inthawna, mut hun leh thawh hun pawh hre lo khawpa hmangaihte be peihte hian ni tin minit nga tal Lalpa an be thin ang em le? Naupang tê ka nih lai aţangin zing ţawngţai inkhawm ka kal thin a. Zingah hma taka thova, min hmangaihtu ber be tûra ihe lova Biak Ina ka kal thin avangin inchhirna pakhat mah ka la nei lo. Zing thawh veleha ţawngţai hmasa lova mi dang han biak hmasak te hi ka hreh êm êm thin. Ka biak châk ber chu Lalpa a ni a. Ani chu *ka hmangaih tawh si a*; chuvangin, ţawngţai a ngai tlat.

Mi tu pawh Pathian hmangaihnaah a awm chuan kohhran programme a ngai pawimawh hmasa thin. Zaikhawm an rawt maw? Pulpit leh lâmtuala a changtu ber ni

âwm taka bei nghektu thenkhat chuan zaikhawm an peih tlat lo zu nia maw le! Rawngbawltu, KTP leh Kohhran Hmeichhe hruaitu pawh kan bâng bik lo. A vawh leh lum vâng a zai peih lo ringtu i nih vaih zawngin i la ngaihtuahawm viau vang. Aw, tlangval, i bialnu kha mi dang tel miah lova nangmah chauhvva rim i châk thin a ni lo'm ni? Mi dang kal lo mah se, ka kal a ngai tlat. Min hmangaihtu chu *ka hmangaih tawh si a*.

“Engkim in tih apiang Pathian ropuina tûr hlin ti rawh u,” tih thu hi i hriat reng phawt chuan i kova tla rawngbawlnaah khan i phun i phun ka ring lo. Thingpui i lumin Isua i lumsakah inngai la, inkhawmpuia i kalin i Lalpa be tûr leh fak tûra kal i ni tih inhria la; mikhual i hmuahin Lalpa Isua hmuakah inngai la. Damlo i kanin Isua kanah inngai la, damlo i zâwnin Isua zâwnah inngai la; tichuan, i lawmna chu Lalpa danah a ni tawh ang a, i phunnawi tawh ngai lo vang.

“Zanin chu ka committee peih lo tlat, hla ka zir peih lo tlat; vawiin chu ka hnatlâng peih tlat lo,” i ti thin em? Chatuan nunna

i neih theih nana kum 3 zet Lal Isua'n i rawng a bawlsak lai che khan vawi khat lek pawh a peih loh thu a sawi i hria em? Kei zawng min hmangaih bertu chu *ka hmangaih tawh si a*, phunnawi lovin ka kal leh phawt mai ang e.

Sadraka, Mesaka leh Abednegoa-te chuan lal uain leh sate aiah thlai hnah an ei zawk a. Lal chaw kha tui an tih loh vang ni lovin, Lalpa an hmangaih tâk vangin an ei thei lo a ni zawk. Pastor, Pro. Pastor, Upa, Missionary-te leh rawngbawltute zingah pawh ruih theih thil chi hrang hrang leh, zuk leh hmuam, Synod pawhin a duh lohte hi bânsan duh lo an la awm ta cheu zu nia maw le! Zuk leh hmuam titute zingah tu nge 100%-a tha ti awm? Chhiartu duh tak, hengte hi sim tha i ti em? *“Tu pawh thil tha tih tûr hriaa ti si lo chu a tan sual a ni”* (Jak.4:17) Heng mite hian khawvel nuam an tiin, vanram, hmangaih ber lenna ram ngaia lunglênna pawh an nei ngût meuh ang em maw chu? Zuk leh hmuam, ruih theih thilte tha ti lo chung pawha sim duh lote hi

chuan vanram kai hi tum lo law law mai ila a tha lo maw? A chhan chu, vanramah chuan heng ruih theih thil leh zuk leh hmuamte hi a awm dawn si lo va! Hengte châk reng avang hian darkar khat chhung lek inkhawm pawh kan peih thin lo a ni lo'm ni kha? *"In thianghlim tûr a ni, kei ka thianghlim si a,"* titu Lalpa chu ka hmangaih tawh si a, insûm a ngai tlat.

Hrehawm tam tak tuara vanram lût tûr zinga mi ka ni a. Hrehawm a lo thlenin Lalpa laka ka rinawmna a lo lang thin. Hmangaihthe an damloh chuan zan mu pawh kan chhing hman meuh ngai lo va, hna pawh kan thawk thei ngai lo. Min hmangaih bertu chuan krawsah hrehawm a tuar a, chu hrehawmna chu tawmpui vein mi dangte tan hrehawm tuar ve a ngai tawh tlat. Ka nu leh pate'n hrehawm tam tak tuara min lo enkawlina Lalpa'n mal a sawm a, heti thleng kal ve thei hi ka ni a. Lungchhe taka ka awm laiin, "Lalpa Isu, ka tan i hrehawm tawrh dante kha min hmuhtir leh rawh," tiin ka dil thin. Hrehawmna chuan chhelna a

hring a, chu chhelna chuan ka nun a la chhanhim dawn si a. Min hmangaihthu chu ka hmangaih ve tawh si a; chuvangin, eng pawh ka chungah lo thleng se, hrehawm tawrh a ngai tlat. Hmangaih ber nena hrehawm tuar dun chu a changtu lo chuan a hlimawmzia leh a thlamuanthlâkzia tu mân an hre lo vang.

Kohhran leh khawtlângah nihna chanvo neih loh chuan sawiseltu *party member* kan ni duh fo. Chanvo nei sia hlen lo erawh chuan mi dang tuarna a thlen thin. Nuin a chaw chhum a hmin hmian, "Ka peih tawh lo," ti ta sela, a rawngbawlina a hlen loh avangin chhungkaw boruak a chhiat loh i ring em? Krista chu ka hmangaih tawh si a; chuvangin, Lalpa'n a kohhrante kaltlanga tih tûr min pêk apiang lawm chungah tih zel a ngai tawh.

Lal Isua'n Petera hnenah, *"I upat hunah i kutte i phar ang a, mi dangin an hrensak ang chia, i duh lohna lamah an kai ang che,"* a ti a. Ka pian hmian Lal Isua'n rawng min lo bawlsak tawh a. Ka naupan laiin ka nu leh paten

ka rawng min lo bawlsak tawh bawk a. Sunday School leh ni tin school-ah zirtirtute'n ka rawng min lo bawlsak tawh bawk a. Tunah chuan rawngbawlsaka awm tawh lovin, rawngbawltuah ka awm ve ta a. Min hmangaihtu tân kutte phar tawhin, Thlarau Thianghlim leh Kohhran hruaitute'n min hrênsak tawh a, an duhna lamah min kai ta a nih hi. Min hmangaihtu chu ka hmangaih ve tâk avangin ka duhna hmunah ni lovin an duhna hmunah mi dangte rawng-bawlsak tûra awm ve a ngai tlat tawh mai.

“Nangnin min hmangaih chuan ka thupêkte chu in zâwm ang,” titu chu ka hmangaih tawh si a, phunnawi a rem tawh lo va, hnung lam hawi a rem tawh hek lo. A sawi apiang tih a ngai ta. Engpawh tâwk dawn ila, min hmangaihtu chu KA HMANGAIH TAWH SI A. Chuvangin, mahni hrehawm pawisa lova, ni tin kraws pua, a kohna chhânga rawngbawlina hlena, thihna hneha nunna lallukhum chang ngei tûrin kei chu ka hmangaih ber tân ka inpe mai a ni. Amen.

A.W. TOZER-A ṬAWNGṬAINA

- C. Darkunga,
Bawngkawn East

Pathian mi duhawm berte zinga mi Dr. A.W.Tozer-a ṭawngṭaina hi kan ṭawngṭaina lo ni ve thei se a va duhawm êm!

“Aw Lalpa, mite'n lâr leh challan châk mah se, kei chuan thawhrimna leh lawmman tih tham loh pawh ka thlang zâwk a. Hmun nuam te, lârna tûr te, khawsak awlaina tûr te ka thlang hek lo. Hengte lakah hian ka mit min tihdelsak ang che. Mite'n kawng nuam thlang mah se, kei chuan a hrehawm ber pawh ka thlang zel nang e; i thu a nih phawt chuan ka lawm zel ang,” tiin a ṭawngṭai zu nia. (Hei hi a len dawn loh chuan paih mai ni se)

SMB HNUAIA HIGH SCHOOL LEAVING CERTIFICATE EXAM RESULTS, 2010

*- Sadinga Sailo
Supervisor of Schools
Synod Office*

Name of School	No. of students appeared	DIVISION						No. of letters	Pass p.c.
		Distn.	I	II	III	Withheld	Failed		
LCM School Moirang, Manipur	51	-	8	33	10	-	-	8	100%
OHS, Silchar Barak	40	1	23	16	-	-	-	58	100%
RM H/S Karimganj, Barak	50	12	25	13	-	-	-	124	100%
SPS Maduripathar, Arunachal W	17	-	4	10	3	-	-	8	100%
JES, Lakla Arunachal E	17	-	4	4	9	-	-	7	100%
St. Paul's H/S Bairabkunda, Assam	9	-	-	3	4	-	2	-	77.77%
BES, Noagang, Tripura	24	-	1	8	15	-	-	-	100%
CHS, Tuidu Tripura	33	-	-	2	23	-	8	-	75.75%
Grand Total	241	13	65	89	64	-	10	202	95.85%

Notes :

1) Rowlands Memorial H/S atangin Master Reetuja Baidya, R/No. 0817 leh Master Waiseem Arshad, R/No. 0828-te hi top 20-ah 91.5% hmuin 20th position an ni.

2) Ms. Monpiya Roy, R.No. 0843 Bengali Subject-ah marks 91 hmuin Assam (SEBA) pumah a hmu sang ber.

3) Oriental H/S atangin C. Lalrintluangan Mizo Subject-ah marks 88 hmuin Assam (SEBA) pumah hmu sang ber a ni bawk.

(Kan tawngtainate chhangin Pathianin Matric Result tha tak min nehtir leh ta, lawm thu i sawi ang u. - Ed.)

SYNOD-IN FA TAK A HRING EM?

- Rev. H. Lalthananga
Field Secretary
Siliguri Mission Field

Synod Mission rawngbawlna hian hma a sawn zel e, hmun hrang hranga kan pun zel dan han hriat te hi a va hlimawm êm! Mihringte chauh ni lo kan thil neih - in hmun leh ram pawh kan nei ta nual mai. Ram pawn leh ram chungah kan thang nasa, a lawmawm hle mai. Heng kan Field-a thawktute leh kohhranho kan enkawl leh pian danah hian Synod-in fa tak a hring ang em le?

Thawktute (Native Workers) : A ram mi kan thawktute hi an pawimawh hle mai. An pawimawh dan chu - inhlawhfa nge, fa tak, chhungpuinu fa tih a ni. Kohhran danga mi thawktua kan lâk, rawn inhlawh, hlawh duh, thahnemngaihna nei lêm lo, anmahni ruaitu Synod hmangaihna nei hauh lo, thawhpuaia thawk, thawhpui lohva chawl leh mai thawktu, kan thawktute hi an ni em? Fa tak, chhungpuinu fate ngei thawktu, a ram mi kan hrin ngei, hringtu hmangaih lêtna nei an awm chuan a tha âwm mang e.

Hlawhfa rau rauvah tha-hnemngai leh ngai lo chu an awm nameuh mai; fa tak zingah pawh a kawi deuh zawng an awm tho chungin. Ram chhunga kan thawktu rawihthe pawh hi ngun zawkin lo zir teh u, kan hrin nge, rawih, inhlawh? Thawktu lâk zelnaa fimkhur nan.

Synod-in Missionary a ram mi (Native Missionary) a tirh hi a dik em? : Wales-ho khan Mizo zinga mi Sap ãawng thiamte kha missionary pay pein Mizo zingah an tir lo. Keini chuan Mizoram aãangin an ramah missionary-a kan tir mai hi a dik dawn em ni? A ram mi rau rau a ãhen missionary, a ãhen native, an hlawh pawh inthlau taka kan siam hi. Dumka mi Mizorama a awm rei avanga Mizo ãawng thiam, an rama missioanry-a tirh a dik lo ang bawkin, Nepali pawh Mizo ãawng thiam vanga an rama missionary-a tirh a dik ang em?

TA & DA nei Pastor kan Synod-in a hring ang em? : Kan ram chhunga Pastor-te hi an hlawha TA tlêm a beh bâk chu

Bial fan tam avanga bill belh tûr nei lovin kan Synod-in a siam a, ãha pawh kan ti hle a. Chutiang chuan Mission Field-ah kan kal lo va, kan Field lian leh upa deuh, indang hnai deuhthe pawh Synod-in Pastoral a enkawl dan ang lo vekin kan kal a, keimahni ang lo fa kan hring têt. TA/DA bill inchuh sup sup tûr fa kan hring t̄euh ang tih a hlauhawm ta. Ram chhung Pastor-te hian thla tin TA/DA bill vek ãhin dawn ta se, kan buai âwm mang e! An hlawha a tâwk lek Synod-in a behtir mai hi a va ãha êm!

Tuna kan han sawi te khian kan Ramthar Manual-a **Ringtharte Enkawl Dan Tûr** tiha, mahni intodelh (*self supporting*), mahni inenkawl (*self governing*), mahnia ramthar vei (*self propagating*) kan tih hi nasa takin a nghawng a ni. Chuvangin, kan Synod kalphung hi ãha kan tiha, kan fate pawh an kal zel dan tûr atan kan duh a nih chuan kan kalphung thlâkin siam ãhat ngai lai siam ãha ngam ila. Tichuan, Synod-in keimahni ang fa, fa tak kan hring ngei ang.

* *Pathian kutah chuan a ziahna hmanrua mai kan ni. - Mother Teresa*

KUM 2010 ATAN RAMTHAR LAKSAKTUTE
(*Chhunzawmna*)

- | | | |
|---|--------|---------------|
| 41. Pi R. Sangchuilovi, Kolasib Diakkawn | Bu 22 | Dt. 25.3.2010 |
| 42. Sateêk Kohhran Ramthar Committee | Bu 10 | Dt. 29.3.2010 |
| 43. Dr. Lalnunhlma Ralte, Mission Vengthlang | Bu 10 | Dt. 31.3.2010 |
| 44. Dr. E. Saipari | -do- | Bu 1 -do- |
| 45. Pi Thangkhumi | -do- | Bu 4 -do- |
| 46. Pu Lalengvara | -do- | Bu 2 -do- |
| 47. Pi Liani (L) | -do- | Bu 2 -do- |
| 48. Pu R. Lalzawmliana | -do- | Bu 2 -do- |
| 49. Pi Zachhingi | -do- | Bu 1 -do- |
| 50. Pu Zoramliana | -do- | Bu 1 -do- |
| 51. Pu Lalramliana Rokhum | -do- | Bu 2 -do- |
| 52. Pi K. Lalrinthangi | -do- | Bu 1 -do- |
| 53. Pu F. Malsawma | -do- | Bu 2 -do- |
| 54. Pu Vanlalsawma | -do- | Bu 3 -do- |
| 55. Chanmari Kohhran | Bu 171 | Dt. 08.4.2010 |
| 56. David & Reuben, Dawrpui Vengthar | Bu 10 | Dt. 12.4.2010 |
| 57. Khatla East Kohhran | Bu 29 | Dt. 13.4.2010 |
| 58. Upa Lalhmingmawia Tochhawng,
Thingdawl Venglai | Bu 1 | Dt 13.4.2010 |
| 59. Valai Pawl, Thingdawl Venglai | Bu 1 | Dt. 13.4.2010 |
| 60. Khatla North Kohhran | Bu 20 | Dt. 14.4.2010 |
| 61. W. Phaileng Chhim Veng Kohhran | Bu 10 | Dt. 26.4.2010 |
| 62. Aizawl Kohhran, Venghlui | Bu 141 | Dt. 28.4.2010 |
| 63. J. Malsawma, Nalzawl | Bu 1 | Dt. 04.5.2010 |
| 64. Upa R. Lalneihthanga, Champhai Zote | Bu 1 | Dt. 07.5.2010 |
| 65. Biaste Pastor Bial Kohhran Hmeichhia | Bu 11 | Dt. 07.5.2010 |

66. Jubili Kohhran, Mission Vengthlang Bu 15 Dt. 11.5.2010
 67. Sialhawk South Kohhran Bu 5 Dt. 13.5.2010
 68. Bungkawn Kohhran Bu 170 Dt. 20.5.2010

Pathian tana inphalte azarah Ramthar Chanchinbu missionary-
 te tana lâksak zat chu bu 1,647 lai a ni ta. Lawm thu kan sawi nawn
 leh e. (May issue-a 'Pu Thanrehlova, Chanmari West' tih kha
Chanmari West Kohhran - Bu 200 tih zawk tûr a ni e. - Ed.)

**KUM 2010-A RAMTHAR CHANCHINBU
 BU 100 SEM CHIN AGENT-TE**

(as on 16.6.'10)

- | | | |
|--|---|--------|
| 1. Pu R.K. Romana, Electric Veng, Aizawl | - | Bu 284 |
| 2. Pu Lalnuzira Ralte, Bungkawn | - | Bu 281 |
| 3. Tv. R. Vanlalhruaia, Vaivakawn | - | Bu 275 |
| 4. Pu R. Chawngkunga, Ramhlun N | - | Bu 269 |
| 5. Pu C. Zohmingthanga, Chhinga Veng | - | Bu 260 |
| 6. Pu R. Lianzuala, Khatla | - | Bu 237 |
| 7. Pi Lalhlupuii, Mission Veng | - | Bu 231 |
| 8. Pu J. Rokamlova, Champhai Venglai | - | Bu 227 |
| 9. Pu C. Lalchungnunga, Mission Vengthlang | - | Bu 211 |

Hei hi tuna kan dinhmun chu a ni a. Eng lai pawha danglam thei a
 ni reng bawk a ni. Thahnemngai taka chanchinbu la thinte leh tlawmngai
 taka semtu (agent)-te hnenah lawm thu kan sawi nawn leh e.

—————

** A thenawmte hmusit chungin tu ma'n Pathian rawng an bawl thei lo vang.
 Heng thil pahnihte hi thil inkawp thei lo hulhual a ni. - Mahatma Gandhi*

RAMTHAR FIELD TLAWH REPORT

1. **Field hming** : Tripura Mission Field
2. **Khaw hming** : Udaipur
3. **Tlawh hun chung** : Dec. 22-26, 2009
4. **Tlawhtu Kohhran** : Vairengte Kohhran Ramthar Comt.
5. **Kal zat** : Mipa 20, Hmeichhia 14, Total 34
6. **Tlawh chhan** : Krismas hmanga Gospel Campaign neih.
7. **Senso zat** : Rs. 34,600/- (Cheng singthum sangli zaruk)
8. **Rawngbawl dan** : Chhunah leh zan inkhawm banah Pu Vanlalringa, Mission Vengin tihdam rawngbawl na a nei thin a. Zan dar 6:00-ah Town Hall-ah inkhawm buatsaih thin a ni. Zai leh cultural dance (Cheraw leh Siktui thiang) hmanga mipui ko khawmin rawng kan bawl a. Speaker Mr. Tapash Athikari, Kolkata atanga rawn kal chuan Pathian thuchah nung takin a sawi thin. Bengali tawng Thuthlung Thar bu 700 chuang sem a ni.
9. **Lawmawm lam** : Campaign chhungin Field Secretary Rev. C. Zoramawia leh thawktu dangte'n min tawiam tha hle a. Ringthar la awm lohna leh Campaign la neih ngai lohna, kum 2009-a Bial hawn thar chauh a ni a. Pathian thu an dawngsawng thin tihdam rawngbawl na an ngaisang hle. Damna chang pawh eng emaw zat an awm. Baptisma chang duh mi 5 (putling hlir) in-report an awm a, a lawmawm hle.
10. **Report tul dang** : Khawpui lian tak a ni a. Thawktu Pastor pakhat leh Evangelist pahnih tan chuan chak taka hma lak a harsa hle. Chanchin Tha hriat chat a, tun aia programme lian tham deuhva campaign buatsaih theih a duhawm hle. Thawktute tawngtaipui zel ang u.

Report petu,
Upa C. Zoparlana
Chairman, Ramthar Comt.,
Vairengte Kohhran

1. **Field hming** : Tripura Mission Field
2. **Khua/Mission Centre**: Noagang
3. **Tlawh hun chung** : Sept. 2-8, 2009
4. **Tlawhtu Kohhran** : Champhai Vengthlang Kohhran Hmeichhia
5. **Kal zat** : 24
6. **Tlawh chhan** : Kan Missionary-te rawngbawlna a hmun ngeia hmuhpui
7. **Kohhran tlawh zat** : Kohhran 12
8. **Senso zat** : Rs. 79,960/-
9. **Lawmawm lam** : Missionary-te'n thawh hona tha tak neia an thawh rimna te, ringthar hmel duhawm tak te kan hmuhin kan lawm a. Kan hun chep tak daihzai taka kan hman theihna tura Bialtu Pastor-in min buaipuina leh, thawktu zawng zawng leh Kohhranhote'n min lo dawnsawnaah kan lawm hle a ni.

Report petu,

Lalropari

Asst. Secretary

Champhai Vengthlang Kohhran Hmeichhia

1. **Field hming** : Arunachal West Mission Field
2. **Khua/Mission Centre** : Pasighat, Boleng
3. **Tlawh hun chung** : December 21-29, 2009
4. **Tlawhtu Kohhran** : Chanmari Kohhran, Aizawl
5. **Kal zat** : Mipa 4 & Hmeichhia 1, Total - 5
6. **Tlawh chhan** : Biak In hawn leh Krismas hmanpui
7. **Senso zat** : Rs. 50,000.00
8. **Lawmawm lam** : Thawktu/Kohhranhote'n min lo dawnsawn dan leh kan phu loh duhsakna hrang hrangte avangin kan lawm hle. An Biak In hluite ngaihtuah chuan Biak In thar tha tawk tak sa ve theia kan awm hi kan lawm hle a. Kohhran mipuite pawh

an hlimin an phûr tâng hle. Krismas niah Biak In thar hawnna leh Lalpa Zanriah Sakramen inkhawm kan nei a, mi sawm (10) laiin baptisma an chang nghal bawk a, a lawmawm takzet a ni.

9. Lawmawm lo lam : Kan kal lam hian Guwahati aţanga kan chhuah hnuin kan chuanna bus-in truck, pipe phur a su hlauh mai a; nimahsela, tu mah na leh hliam kan awm lo va. Pathianin a kohhranhote  awng aina a chhang a ni tih a takin kan hmu a, kan lawm hle. Pasighat hi kan tum aia tlaiah kan thlen phah ta a ni.

10. Report  ul dang : Pasighat hi Boleng Pastor Bial chhunga awm a ni a, member hi 80 vel an ni. Tunah hian Boleng Bial aţangin Pasighat Bial thar a ding tawh nghe nghe a ni. Thawktute leh ringtharte  awng aipui an ngai hle a, chak z wka Pathian t n an inp k zual zel theih nan kohhranhote'n  ahnemngai takin i  awng aipui zel ang u.

Report petu,

Vanlalzuala

Committee Member, Ramthar

Chanmari Kohhran, Aizawl

1. **Field hming** : Barak Area Mission Field
2. **Khua/Mission Centre** : Silchar Mission Compound
3. **Tlawh hun chung** : Ni 8-13.3.2010
4. **Tlawhtu** : Chawnpui Vengthlang Kohhran Ramthar Comt.
5. **Kal zat** : Mipa: 12, Hmeichhia: 3, Total: 15
6. **Tlawh chhan** : Work Camp
7. **Hnathawh/Thiltih** : Staff Quarters repair, furniture siam leh repair.
8. **Senso zat** : Rs. 26,646.00
9. **Lawmawm lam** : Barak Area Administrative Secretary

Rev. Ralthansanga Ralte leh thawktu dangte kan chungah an felin, mi an lo lawm thiam êm êm a. Tin, kan haw dawn ni, ni 13.3.2010 (Inrinni) zing thingpui tuihnai tak T.Upa Lalhmangaiha te nupa, Silchar-a mite'n min lo buatsaihsak a, an chungah kan lawm hle. Pu Kapchawl (L), Ramthar Committee member nupui Pi Lianzamin Work Camp-a kalte thingpui in nan Rs. 500/- Ramthar Committee-ah arawn pe a, an chhungkaw chungah kan lawm hle.

Report petu,
Lallungmuana
Secretary, Ramthar Comt.
Chawnpui Vengthlang Kohhran

1. **Field hming** : Cachar Tlangram (Hqrs. ațanga enkawl)
2. **Mission Centre** : Zaitte
3. **Tlawh hun chung** : March 23-30, 2010
4. **Tlawhtu Kohhran** : Maubawk West Kohhran
5. **Kal zât** : Mipa: 11 Hmeichhia: 2 Total: 13
6. **Tlawh chhan** : Work Camp
7. **Hnathawh** : Thawktu In sak
8. **Senso zât** : Rs. 21,550.00
9. **Report țul dang** : Evangelist Teacher, Pu K.C. Lalsawmliana'n min ngen avangin Work Camp țur hian kal kan ni. Pu K.C. Lalsawmliana hian Synod ațangin Temporary Building sakna a dawng a. Chu Grant chuan a châk (*raw material*) lei ila, a satu țur kan hmuh theih chuan Type Building ang deuh kan sa thei ang a, tiin Bialtu Pastor, Rev. Lalțlanhlua nen a chhuahna Maubawk West Kohhran rawn hrilh pahin min rawn sawm a. Chu thu bawh zui chuan Work Camp țurin kan kal a ni.

A hmun kan thlen tûk aţangin tu mah awl lovin kan bung nghal a. Thingzai put chawp te a ngaih avangin Bialtu Pastor hovin a zaina hmun (a hlan) aţangin kan han pu leh rih a. Field-a thawktute nen kan inpawhin thawh hona a tha a, nuam kan ti hle a ni.

Kar khat chhungin tluang takin kan hna chu kan zo thei a, kan lawm hle. Kohhranhote hetiang a che chhuak theia kan awm avangin kan lawm a, kan thlarau nun pawh min tichak tharin kan hria a. Thawh zêl châkna min siam bawk a, kan zawngchhang hle a ni.

Kawng tinrenga min hruaitu Pathian chu fak in awm rawh se.

Report petu

Lalsangluaia

Secretary, Ramthar Committee,
Maubawk West Kohhran

RAWNGBAWL NANA THILPEK PETUTE

(*Chhunzawmna*)

269. *Khatla Kohhran Hmeichhia* - H/M S Diblibagh Biak In extend nan - Rs. 20,000.00
270. *Pu P.C. Lalţhuama te chhung, New Serchhip* - (1) Arunachal 'E' Field-a Toklong Biak In sak nan - Rs. 25,000.00
(2) Arunachal E Field-a New Changpu Kohhran khuang lei nan - Rs. 1,000.00
271. *Bungkawn Branch KTP* - Karbi Field-a Jengkha Biak In sak tanpui nan - Rs. 10,000.00
272. *Borapani Kohhran, Shillong* - Arunachal E Field Kharsang Biak In sak tanpui nan - Rs. 5,000.00
273. *Lungdai Koh. Ramthar Comt.* - Tripura Field Baluchhora Biak In thutthleng siam nan - Rs. 5,000.00

274. *Nursery Veng Koh. Hmeichhia* - Tripura Field-a Karbook school sak tanpui nan - Rs. 10,000.00
275. *Ramhlun S Koh. Hmeichhia* - Arunachal 'E' Field Lakla Bial Kherangkong Biak In hmun leina - Rs. 30,000.00
276. *Hmawngkawn Koh. Ramthar Comt. (Baktawng Bial)* - A tul apianga hman atan - Rs. 2,000.00
277. *Thakthing Koh. Naupang S.S.* - Tripura Field Asapara Kohhran Krismas hman nan - Rs. 5,702.00
278. *Dawrpui Koh. Ramthar Comt.* - Tripura Field Darchawi Koh. Biak In sak tanpuina - Rs. 50,000.00
279. *Tuikhuahtlang Koh. Hmeichhia* - Manipur Field-in a tul apianga hman atan - Rs. 5,000.00
280. *Rawpuichhip Koh. Ramthar Comt.* - Karbi Field Sarihajan Kohhranin a tul apianga hman atan - Rs. 5,000.00
281. *Chhingchhip Mualpui Kohhran* - A tul apianga hman atan - Rs. 2,000.00
282. *Ngopa Chhim Veng Koh. Hmeichhia* - Ramthar rawngbawlina tul apianga hman atan - Rs. 4,000.00
283. *Luangmual W Koh. Hmeichhia* - Jharkhand Field Lataker Dist.-a Gospel Tract sem nan - Rs. 7,000.00
284. *Luangmual W Koh. Ramthar Comt.* - Jharkhand Field-a Biak In sak tanpui nan - Rs. 10,000.00
285. *Kepran Kohhran Hmeichhia* - (1) H/M N Persang Kohhran tanpui nan - Rs. 700.00
(2) H/M N Tuipuibari II Kohhran tanpui nan - Rs. 700.00
286. *Tuikual 'N' Koh. Ramthar Comt.* - Siliguri Field-a Khogla Biak In sak tanpui nan - Rs. 10,000.00
287. *Luangmual W Pavalai Pawl* - Tripura Field-a Darchawi Biak In sak tanpui nan - Rs. 10,000.00

288. *Mualkawi Koh. Ramthar Comt.* - Tripura Field Noangang Forest Veng Kohhran tanpui nan - Rs. 1,500.00
289. *Pu R. Lalliantluanga, Hlimen* - Karbi Field-a Chokihola Bial atan - Rs. 10,000.00
290. *Upa K. Lallianchhunga, Chaltlang, Aizl.* - (1) Tripura Field Chintarampara Biak In hmun lei nan - Rs. 7,000.00
(2) Karbi Field tan, Karbi Bible lei nan - Rs. 3,000.00
291. *Pu Lalrikhuma, Mission Veng* - Karbi Field-a Dongkamukam Biak In sak nan - Rs. 2,000.00
292. *Dinthar Kohhran* - Arunachal W Field Thrijino Biak In sak tanpui nan - Rs. 1,00,000.00
293. *Keitum Bial KTP* - Arunachal W Field Tato Pastor Bial tanpui nan - Rs. 3,000.00
294. *Hmunthar Koh. Hmeichhia* - Manipur Field Kumbi Bial Ithai Koh. Biak in sak nan - Rs. 20,000.00
295. *Zemabawk Bial Koh. Hmeichhia* - Karbi Field Koilamati Bial Chekso Biak In sak nan - Rs. 5,000.00
296. *Zemabawk Kohhran* - Karbi Field Koilamati Bial Chekso Koh. Biak In sak tanpuina - Rs. 20,000.00
297. *Chhinga Vengthlang Koh.* - Barak Area Borsing Biak In sak tanpui nan - Rs. 20,000.00
298. *Kawrthah Koh. Hmeichhia* - Cachar Kahrawt Bialin a tul apianga hman atan - Rs. 5,000.00
299. *Chhiahtlang Pastor Bial KTP* - Nepal Field Kathmandu Biala Chovar Koh. tanpuina - Rs. 5,000.00
300. *Vaivakawn Kohhran* - (1) H/M N Khawhnai Kohhran Biak In sak tanpui nan - Rs. 27,000.00
(2) Jharkhand Field-a Boktan Biak In sak tanpui nan - Rs. 15,000.00
(3) Barak Area-a Pailapool Biak In sak tanpui nan - Rs. 10,000.00

RAMTHAR PROJECT LIST

(*Chhunzawmna*)

DELHI

1. Ashish Bhawan Biak In thutthleng - 20 @ Rs. 4,500/-
- Rs. 90,000/-
2. 3rd Varsik Sammelan (Inkhawmpui) neih nan
- Rs. 1,00,000/-
3. Thirsakawr 10 lei nan
- Rs. 30,000/-

HOME MISSION SOUTH

1. Chawngtelui School tukverh leh kawngkhar siam nan
- Rs. 15,000/-
2. Vairawkai School sak nan - Rs. 30,000/-
3. Putlungasih School retaining wall siam nan - Rs. 15,000/-
4. Belpei (Tlabung Bial) School furniture siam nan
- Rs. 10,000/-
5. Bandiasora Biak In bang thlak nan - Rs. 12,000/-
6. Solar Lamp pe thei tan eng emaw zat mamawh a ni.
1) Quarters-a hman tur chuan Rs. 3,000/- man vel tawk ang.
2) Biak Ina hman tur chuan Rs. 5,000/- man vel a tawk ang.
7. Type Writer a hlui emaw, a thar emaw 10 vel mamawh a ni.
8. Cyclostyle a hlui emaw, a thar emaw 10 vel mamawh a ni.
9. Mizo khuang leh Vai khuang mamawh a ni.
10. School dar eng emaw zat mamawh a ni.

Work Camp tulna

1. Parva I School tual laih zawl
2. Damdep I School tual laih zawl
3. Diblibagh School Compound retaining wall siam
4. Saibawh School hmun laih
5. Hmawngbu School kawng laih

HOME MISSION NORTH

1. Thaidawr School kawt lei laih
2. Salem Boarding School mamawhte:
 - 1) Boys Hostel Toilet siam nan - Rs. 50,000/-
 - 2) Boys Hostel Kitchen sak nan - Rs. 80,000/-
 - 3) Kawng laih (Work Camp/Pawisaa pek)
 - 4) Huan sam fai (5) Sangha dil tur laih
3. Teirei Forest Biak In leh S.S. Hall sak nan (an mamawh hle a ni) theih zat zat.
4. Tuipuibari Centre Biak In sak nan theih zat zat.
5. Tuipuibari II Biak In sak tanpui nan - Rs. 1,00,000/-
6. Teirei Forest Kohhran P.A. Set leisak thei tan - Rs. 6,150/-
7. Persang Biak In sak (sum leh work camp)
8. Meidum Biak In hmun laih
9. Hruiduk (Marpara Ramthar Bial) School hmun tur lei laih
10. Tuipuibari II Biak In sak work camp
11. Pangbalkawn Biak In sak nan

JHARKHAND

1. Solar Lamp 7 nos. @ Rs. 4,000/- - Rs. 28,000/-
2. Biak In 3 (pathum) sak tanpui nan - Rs. 70,000/- theuh
3. Cycle 12 nos. @ Rs. 3,250/- - Rs. 39,000/-
4. Handpump/Ringwell 3 nos. - Rs. 1,50,000/-
5. Medical Free Clinic neihpui thei tur mamawh a ni.
6. Football Coaching/Training neihsak thei tan mamawh a ni.
7. Campaign/Crusade neihpui thei tan mamawh reng a ni.

Work Camp tulna

1. Biak In leh Quarters sak, etc. hna thawh tur a awm nual.
-

Sunna:

Pu H. Lalruatlina, Evangelist kan then ta

Pu H. Lalruatlina hi Pu H. Saisiama leh Pi Lalsangi-te fa upa ber niin April 10, 1960 khan Mualpheng khuaah a lo piang a, unau pianpui mipa pakhat leh hmeichhia pahnih a nei. A nau mipa pawh hi a thi tawh nghe nghe.

Zirna lamah Matric pawh pass lo a nih avangin a thih ni thlengin Evangelist-in a awm reng a ni.

Chhungkaw lam : Pathianin kawppui fel tak Pi Lalrinkungi, Missionary ve bawk a pe a. Fa pahnih Gospel Chalhmingmawia (16), Class X zirlai leh Jenet Lalrindiki (15), Class IX zirlai te an nei a. Tuidu (Tripura Mission Field, an thawhna hmun)-a Calvary High School-ah an zir ve ve a ni.

Rawngbawlina lam : Synod Mission Board hnuai Missionary senior pawl tak Pu H. Lalruatlina hian February 1, 1988 atangin Evangelist hna a thawk tan a. Kum 1989-a Missionary training-a Aizawla a awm bak chu a thih ni thlengin Mission Field-ah hlir, hmun hrang hrangah a awm a ni.

Missionary a nih chungga a thawhna hmun leh awm kum chu hetiang hi a ni:

- | | |
|-----------------|--|
| 1988 | : Lalachera, Barak Area Mission Field-ah |
| 1989 | : Missionary Training, MTC, Aizawl. |
| 1990 | : Koya, Barak Area Mission Field |
| 1991-1993 | : Kolkolighat, - do - |
| 1994 | : Karimganj, - do - |
| 1995-1997 | : Konakpur, - do - |
| 1998-2005 | : Joypur, - do - |
| 2006 | : Ganganagar, Tripura Mission Field. |
| 2007-till death | : Tuidu, - do - |

A mize tlângpui : Pu H. Lalruatlina hi mi zaidam, nunnêm, rilru tha leh nungchang tha tak a ni a. Rawngbawl hnaa tui leh mi inpe tak a ni. Hotute thu awih thei mi a nihna hi a miziaa entawn tlâk min hnutchhiah pawimawh tak pakhat a ni a. Zirna lamah thleng sâng lo mah se, ÷awng te a thiam avang leh electric lam chinchang hria a nih avangin a hna pangngai bâkah thil ÷ula tirhkah leh hma tâwntu a ni fo. Hetiang kawngahte hian tih tûra hrilh a nih tawh chuan phunnawi lovin a ti mai zel thin a ni. Synod Mission Board-in a chhawr chung hian a rawngbawlina kawngah mi hnawksak a ni ngai lo bawk.

A hun tâwp lam : Chutianga rawngbawlina kawnga inpe zo tak leh ÷angkai tak a nih lai chuan kan beisei loh lamah van kohna min lo chhansan ta thut mai a ni. June 18, 2010-ah Aizawla lo chho tûrin Tuidu a÷angin a farnua fapa (a tupa) Lalhmangaiha nen

Scooter-in an inphur chhuak a. Tuidu a÷anga hla vak lo, Synod Mission Board rawngbawlina station pakhat Ambassa bulah truck pakhat nen an insu ta hlauh mai a. Truck chuan rawngbawltu a nih hre hauh lovin lainatna tel hlek lovin a suasam ta a ni ber a. A kê pawh chhawn tûr awm lovin, a taksa pawh nasa taka tihchhiat a ni a. Chu hmunah chuan a rawngbawlina chu chawhlsan hlen tawh tûrin min lo kalsan ta a ni.

A ruang hi an khua Rulchawmah phurh chhoh a ni a. Ni 20.6.10 (11:00 a.m.) khan Bialtu Pastor C. Sapkaia'n a vui hnuin a taksa chu Rulchawm thlanmualah kan lo thlah liam ta a ni. He thihna hi a nupui fanau, chhungkhat laina leh Synod Mission Board tân châna nasa tak a ni a. Pathian thlamuanna tel lo chuan tuar dam thiam har tak a ni ngei ang. A kalsan tâk chhungkuate Lalpa'n awmpui sela, kohhranhoten i ÷awngtaipui zel bawk ang u.

** Mi dangte dem ngai lo mi chu, vawi tam tak hlawhchham mah se, a hlawhchham hlen ngai lo vang. - John Barroughs*

**DECLARATION
Form IV
(See Rule 8)**

1. Title of Newspaer : Ramthar
2. Language in which it is published : Mizo
3. Periodicity of its oublication : Monthly
4. Printer's Name : Rev. Lalchhuanmawia
Nationality : Indian
5. Publisher's Name : Rev. Lalchhuanmawia
whether citizen of India : Yes
Address : Synod Office
6. Place of Publication : Mission Veng
Aizawl, Mizoram
7. Editor's Name : Upa Zoramthanga
Address : Mission Veng
Aizawl, Mizoram
8. Owner's Name : Ramthar Association
where printing is conducted : Synod Press
and premises on which the Press installed : Mission Veng, Aizawl
9. Name and Address of individual : Nil
who own the newspaper and partners
or shareholders holding more than
one percent of the total capital.

I, Rev. Lalchhuanmawia, hereby declare that the particulars given above are true to the best of my knowledge and belief.

Dated Aizawl
The 21st June, 2010

Sd/-
(REV. LALCHHUANMAWIA)
Signatute of Publisher

SYNOD BOOKROOM BOOK NEWS

Postal Regn. No. MZR/46/2009-2011
RNI Regn. No. 40380/88

1. Hellai Di : He lehkhabu, R.T.C. Lalduhawm'n leirawl puala a ziah hi naupang leh leirawlte'n an chhiar chuan, "Love story ngaihnam deuh a ni awm e," an ti a. Puitling zawk leh piangthar tawhin an chhiar erawh chuan, "Ringtu nun kawng entima tha a nih hi le," an ti thung. Chhiarla, khawi zawk nge tih hre ve rawh le. Aman Rs. 80/-

2. Thupuan Hrilhfiahna : Rev. Liangkhaia buatsaih, phek 305-a chhah, chipchiar taka hrlhfiah leh chiang taka chhut, chhiar nuam tak tura hraw taka chhut, Rs. 130/- man chauh a ni e. Alo kal lehna thir rengtu ringtu zawng zawng tan he lehkhabu hi chhiar makmawh a ni.

3. Hnehna Hla Do-3 : Pathian chuan thil ho deuh hmangin thil ropui tak min zirtir thei a, theia kan inrin phak hauh loh hi min tihir thei bawk. He lehkhabu, Vanneihluanga buatsaih hian harsatna ruama Hnehna Hlado chhamtu, mi naran ve thile chanchin ngaihnam a fun tha khawpmai. Aman Rs. 70/-

4. Fa enkawl dan : Fa enkawl tur neite'n an duh em avanga vawi 5 zet chhut nawn tawh, C. Laizawna buatsaih, Rs. 30/- man chu chhut nawn leh a ni ta a. nausen an nih a'anga an len hnu thlenga fate enkawl dan kalhruaina tha a ni e.

From :
Manager
Ramthar, Synod Office
Aizawl - 796 001,
Mizoram, India
Phone : 2325899

RAMTHAR
(Mizoram)

To

*Published by Rev. Lalchuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 22,100*

Visit us : www.mizoramsynod.org